



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL. Anr.247/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët Bujar Muzaqi, kryesues, Violeta Husaj Rugova, dhe Hajriz Hoti anëtarë, duke vendosur lidhur me ankesën e parashtruar nga Arjant Topanica, kandidat për asamble komunale nga subjekti politik Lidhja Demokratike e Kosovës, me seli në Komuna Podujevë, parashtruar kundër Ekipit të numërimit në QKN në Podujevë, për shkak të parregullsive gjatë numërimit në Qendrën Komunale të Numërimit (QKN) për Zgjedhjet Lokale, të mbajtura më datë 12 Tetor 2025, në seancën e panelit të mbajtur me 20.10.2025, merr këtë :

V E N D I M

REFUZOHET e pabazuar ankesa ZL.Anr.247/2025, e datës 18.10.2025, parashtruar nga Arjant Topanica, kandidat për asamble komunale nga subjekti politik Lidhja Demokratike e Kosovës, me seli në Podujevë, paraqitur kundër Ekipit të numërimit në QKN në Podujevë, për shkak të parregullsive gjatë numërimit në Qendrën Komunale të Numërimit (QKN) për Zgjedhjet Lokale, të mbajtura më datë 12 Tetor.

A r s y e t i m

Me datën 18.10.2025, PZAP-i, ka pranuar ankesën, e parashtruar nga Arjant Topanica, kandidat për asamble komunale në Podujevë, në të cilën thekson se në vendvotimin 1819/02, dhe 1819/03 nga ekipet e numërimit në QKN Podujeve, në bazë të deklaratës së vëzhguesve i ka pasur 200 vota (1819/01-53 vota), (1819/02 - 46 vota), (1819/03 -101 vota), ndërsa pas numërimit në QKN, i figurojnë 192 vota, andaj pala ka kërkuar që të bëhet rinumërimi i kutive të lartcekura. Pala ankuese, si dëshmitar ka paraqitur, vëzhguesit në vendvotimet 1819/02 znj. Miradie Sefa — LDK, dhe në vendvotimin 1819/03 znj. Rinesa Tahiri — LDK.

Në përgjigjen në ankesë të datës 19.10.2025, Komisioni Qendror Zgjedhor kanë deklaruar se bazuar në nenin 101 të Ligjit Nr. 08/ L-228 për Zgjedhjet e Përgjithshme në Republikën e Kosovës (LZP), Rregulloren Zgjedhore Nr.16/2024, Qendrat Komunale të Numërimit (QKN), Procedura e Veprimit në Qendrën Komunale të Numërimit për Zgjedhjet Lokale 2025, e miratuar më 01.10.2025, Nr.01/2601/2025, përcaktohet procedura e detajuar lidhur me procesin e numërimit në QKN.

Rezultatet preliminare nga vendvotimet mund korrigjohen në Qendrën Komunale të Numërimit, në përputhje me paragrafin 3 të nenit 14 të Rregullores Zgjedhore Nr. 16/2024 për Qendrat Komunale të Numërimit (QKN).

Bazuar në Rregullën Zgjedhore Nr.13/2024 Rezultatet e Zgjedhore nenin 9 paragrafi 1 thekson se: Në rast të mospërputhjes së rezultateve, KQZ-ja mund të urdhëroj rinumërimin e votave të cilit do VV, ose edhe përsëritjen e votimit në një VV apo QV.

Pretendimet e ankuesit, se informatat i ka marrë nga vëzhguesit në vendvotim nuk qëndrojnë, sepse në ditën e zgjedhjeve të datës 12 tetor 2025, janë numëruar vetëm fletëvotimet e subjekteve politike dhe kandidatëve për kryetar të komunave, ndërsa votat për kuvendet komunale dhe kandidatëve të kuvendeve komunale janë numëruar në QKN.

Palët ka bërë ankesë ndaj rezultateve mirëpo rezultatet përfundimtare ende nuk janë publikuar, andaj në momentin e publikimit të rezultateve përfundimtare nga KQZ-ja, palët e pakënaqura në pajtim me nenin 105 të LPZ, pala mund të ushtrojë ankesë në afatin brenda dyzet e tetë (48) orëve në PZAP

KQZ, ju njofton se i gjithë materiali zgjedhor duke përfshirë edhe kamerat e sigurisë, është dorëzuar nga QKN në Qendrën e Numërimit dhe Rezultateve -QNR, dhe të njëjtat mund të verifikohen dhe hetohen nga PZAP dhe organet drejtësisë.

Paneli Zgjedhor për Ankesa dhe Parashtrësia - PZAP, pas shqyrtimit të ankesës dhe shkresave të lëndës, pretendimeve ankimore, përgjigjes në ankesë gjeti se:

-Ankesa është e pa bazuar.

Në bazë të shkresave të lëndës, përgjigjes së Komisionit Qendror të Zgjedhjeve (KQZ), Paneli vlerësoi se pretendimet ankimore të kandidatit Arjant Topanica, se në vendvotimin 1819/02, dhe 1819/03 nga ekipet e numërimit në QKN Podujevë, në bazë të deklaratës së vëzhguesve i ka pasur 200 vota (1819/01-53 vota), (1819/02 - 46 vota), (1819/03 -101 vota), ndërsa pas numërimit në QKN, i figurojnë 192 vota, Paneli vlerëson se këto pretendime janë të pabazuara, për faktin se parashtruesi i ankesës nuk ka ofruar asnjë provë konkrete për të vërtetuar këto pohime, edhe pse i është referuar parregullsive të supozuara në Qendrën e Komunale të Numerimit (QKN), në Podujevë.

Bazuar në arsyet e sipërshënuara dhe në kuptim të nenit 118.1 të LZP-së në të cilin nen në mënyrë decisive thuhet se *“PZAP-i, pranon ankesat e bazuara në fakte dhe refuzon ankesat të cilat nuk i përmbushin kriteret e miratuara paraprakisht”* dhe Nenit 13 par. 4 i Rregullores Nr.01/2025 për Procedurat e Parashtrimit dhe Vendosies së Ankesave të PZAP-it, në të cilin në mënyrë decisive thuhet se: *“PZAP-i mund në përgjithësi të refuzoj një ankesë apo grup ankesash nëse ato nuk paraqesin raste prima facie ose ku ankesa apo grupi i ankesave është dukshëm i pabazë”*, lidhur me ankesën e lartë përmendur vendosi si në dispozitiv të këtij vendimi.

Paneli ka vlerësuar se ankesa e paraqitur nga kandidati Arjant Topanica është e pabazuar, pasi pretendimi lidhur me mungesën e votave nuk është mbështetur me ndonjë provë materiale apo dokumentacion përkatës që do të vërtetonte se kandidatit në fjalë i mungojnë votat, dhe se pretendimet e parashtruesit të ankesës se informatat i ka marrë nga vëzhguesit në vendvotim nuk qëndrojnë, sepse në ditën e zgjedhjeve të datës 12 tetor 2025, janë numëruar vetëm fletëvotimet e subjekteve politike dhe kandidatëve për kryetar të komunave, ndërsa

votat për kuvendet komunale dhe kandidatëve të kuvendeve komunale janë numëruar në QKN.

Për rrjedhojë, në mungesë të provave konkrete, duke u mbështetur në nenin 117.3 të LZP-së në të cilin nen në mënyrë decitive se: "*Vendosja për ankesat nga PZAP-ja mbështetet në dëshmi të qarta dhe bindëse*", Paneli vlerësoj se pretendimet e tilla janë të pa qëndrueshme dhe si të tilla i refuzoj, për faktin se nga veprimet e përshkruara në ankesë, parashtuesi i ankesës nuk ka arritur që të vërtetoj pretendimet e theksuara si më lartë.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 të LZP-së, dhe nenin 13 paragrafi 4 i Rregullores Nr.01/2025 për Procedurat e Parashtimit dhe Vendosjes së Ankesave të PZAP-it, paneli vendosi si në dispozitiv të këtij vendimi.

PANELI ZGJEDHOR PËR ANKESA DHE PARASHTRESA

ZLAnr.247/2025 më datën 20.10.2025



KËSHILLA JURIDIKE: Kundër këtij vendimi është e lejuar ankesa sipas nenit 118 paragrafi 4 të Ligjit Nr.08/L-228 për Zgjedhjet e Përgjithshme në Republikën e Kosovës, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.